



## P r o t o c o l

<i>Società da chatschaders Lischana:</i>		<i>Actuara:</i>	
<b>Radunanza d'utuon 2022</b>		<b>Juliette Duschèn</b>	
<i>Lö da sezzüda:</i> <b>Restorant Trü, Scuol</b>		<i>Datum:</i> <b>19.08.2022</b>	<i>Urari:</i> <b>20.00</b>
<i>Partecipants:</i> <b>Società da chatschaders Lischana</b>		<i>Scumpart:</i> <b>Cul prossem invid</b>	
<b>S-chüsats:</b> Adrian Arquint, Walter Casura, Dario Giovanoli, Gian Paul Arquint, Diego Dell Andrino, Curdin Gernet, Anna Mengia Demonti, Räto Demonti, Fabio Stecher, Gian Luca Stecher, Tiziano Castellani, Gianni Castellazzi, Toni Mall, Andrea Mall, Gian Cla Mall, Enrico Dorta, Jonpitschen Stecher, Peder Sem, Hanspeter Zogg, Duosch Fadri Felix, Andrea Lorenzetti, Martina e Mirco Negrini, Rino Regensburger, Roland Regensburger			
<b>Tractandas:</b>			
<ol style="list-style-type: none"> <li>1. Salüds ed elecziun dals scrutinaduors</li> <li>2. Approvaziun dal protocol da la radunanza dals 23 avrigl 2022</li> <li>3. Infuormaziuns a regard starleras</li> <li>4. Infuormaziuns da las prescripziuns da chatscha 2022</li> <li>5. Reflecziun dal di d'aventüra dals 13 avuost 2022</li> <li>6. Resposta da la cumischiun chatscha Urezzas</li> <li>7. Mutaziuns</li> <li>8. Tratta da büs-cha per las patentas da chatscha</li> <li>9. Varia</li> <li>10. Referat da Lukas Walser</li> </ol>			

**1. Salüds ed elecziun dals scrutinaduors**

Mario il president salüda a tuots preschaints a la radunanza d'utuon 2021. Ün salüd spezial va a nos commember d'onur Matthias Merz, a sar Lukas Walser sco eir als guargiasulvaschinas Curdin Florineth e Not Pua.

Sco scrutinaduors vain elet Gian Reto Demonti.

**2. Approvaziun dal protocol da la radunanza generala dals 23 avrigl 2022**

Il protocol da la radunanza da prümavira es gnü protramiss cul invid a quista radunanza. Il president manzuna ch'el haja survgni üna pitschna correctura, cha il ultim protocol saja gnü scrit fos il nom Florinett. Quista correctura es lura subit gnüda fatta, uschè cha i'l protocol surnomnà sun tuot ils noms scrits inandret.

La radunanza fa bun il protocol unanimamaing. Il president ingrazcha a Juliette Duschèn per scriver il protocol.

### **3. Infuormaziuns a regard las starleras**

Il cumün da vaschins füss stat insè daperüna da prolungar per singulas starleras darcheu ils contrats. Davo avair surdat ad ün advocat per preparar quist contrats as haja badà cha'ls contrats chi sun gnüts fats avant 50 ons nu füssan stats valabels e cha las starleras sun gnüdas quella vouta fabbrichadas sainza permiss. Uschè as esa gnü in ün sezzüda, ingio chi d'eira preschaint l'avocat, il capo da vaschins e tuot ils presidents da las societats da chatscha dal cumün Scuol, cha las starleras gajan in possess dal cumün da vaschins e cha las societats hajan il dret da tillas tour a fit, sainza cuosts quellas starleras chi's sa douvrar sco local da deposit. L'avantag es cha la Lischana nun es uossa plü respunsabla pel mantegniment o dafatta per allontanament da starleras in stadi deplorabel. La suprastanza ha lura fat la dumonda per tour a fit la starlera da San Jon per deponar nossas üsaglias da custodi. Implü vaina fat la dumonda per tour a fit eir la chamonna sül observatori per garantir cha quista vegna eir mantgnüda in avegnir sco fin qua.

Flurin Filli fa la dumonda schi'd es previs da survgnir per la starlera da Sesvenna – S-charl üna indemnisaziun causa cha quista starlera haja sgüra üna valur remarchabla sco stabiliment. Il president manzuna cha quai nu saja dafatta na gnü discutà, pero ch'el fetscha amo la dumonda al cumün da vaschins. El prevezza da pudair lura orientar in la prosma radunanza sco cha'l cumün da vaschins haja decis.

### **4. Infuormaziuns da las prescripziuns da chatscha 2022**

Id es bod tradiziun cha noss guardgia sulvaschinas ans infuormeschan in la radunanza d'utuon sur dals müdamaints e novitats in las prescripziuns annualas da chatscha. Il president ingrazcha fich per quista sporta e surdà il pled a Curdin Florineth.

Curdin manzuna cha pel 2022 nun haja dat gronds müdamaints. Il plü essenzial es il scumond da tour cun sai e da douvrar cameras da chalur per la chatscha bassa. Implü giavüscha el da zoppar dadaints o cadavers da chatscha bassa uschè cha utschels da rapina nu rivan pro. Quist causa ils ballins da plom chi pudessan contaminar ils utschels. El tira eir attent da trar aint pro retscherchas, pro chatschadas e d'ürant tuot la chatscha speziala vestimainta cun culur da signal. Cuntrafats pon uossa gnir chastiat. Cuort manzuna Curdin eir amo cha vain gnü in la regiun visitas dal luf e da divers uors. Pero cha pel mumaint saja in quist regard plütosta quiet.

Mario, nos president, ingrazcha fich als guardgiasulvaschinas per lur spiegaziuns.

### **5. Reflecziun dal di d'aventüra dals 13 avuost 2022**

In sonda passada vaina pudü manar tras il di d'aventüra god e sulvaschina 2022. In prüma lingia lessa ingrazchar a tuots commembers dal comitè d'organisaziun, ad Angelika Abderhalden da la "Pro Terra Engiadina", a Flurin Filli ed a Curdin Florineth implü eir a tuots meis collegas da la suprastanza per la lavur da preparaziun e l'organisaziun. Eir üna grond grazcha fich va als commembers chi han tut part impustüt in la gruppa da custodi. Ün spezial grazcha fich va a Gian Fümme chi'd es quella bunura subit stat pront da surtour üna gruppa e da manar quella inaspettadamaing sül Mot Travrü. Causa cha Curdin Florineth es adüna pront da güdar surdà il president ün pitschen regal d'ingrazchamaint.

No vain pudü salüdar in tuot a 29 participants chi han tut part a las differentas gruppas. Quist on vaina manà tras il di d'aventüra cun ün program modificà cun duos gruppas d'observaziun da sulvaschina ed üna gruppa da custodi. Impustüt ha fat grond plaschair da pudair salüdar ad üna fich gronda quantità da chatschadras e chatschaders pro la gruppa da custodi.

Mario Duschèn manzuna chi'd es tenor previs da cuntinuar cun la sporta dal di d'aventüra. In che fuorma e cun che program esa amo da discutir i'l comitè d'organisaziun.

## **6. Resposta da la cumischiun da chatscha Urezzas**

La cumischiun da chatscha Urezzas ha dat resposta sün nossas dumondas e resalvas per dar liber l'import per finanzchar la schaiurgia movibla.

La cumischiun ha preschantà l'evaluaziun chi'd es gnüda fatta per planisar la schaiurgia movibla ed aman da quella eir che motivs chi han dat l'andit per la soluziun actuala.

Uschè esa gnü accumulì tenor la suprastanza las resalvas ed uschè po gnir dat liber l'import sco vuschà in la radunanza generala dals 5 marz 2022 pel fabricat da l'implant cun schaiurgia movibla.

Flurin Filli es da l'ideea chi haja dat diversas discussiuns d'ürant l'on oura Urezzas a regard quist implant planisà. El muossa via sün ün per contraversas e lura s'ha el orientà amo pro'l uffizial da tir chantunal per avair las infuormaziuns importantas. Flurin manaja eir cha tenor el füssa bun a reponderar amo üna vouta la planisaziun da quist implant. Eir Matthias Merz es da l'idea chi füss da spettar giò, da sclerir amo üna vuta tuot ils cuosts e da stübgjar scha uschè ün implant fetscha propcha dabsögn. Armon Parolini, commember da la cumischiun chatscha Urezzas, manzuna cha la decisiun es gnüda tratta fingià in la radunanza generala da sustgnair l'implant e cha uossa cun il muossamaint tramiss da la suprastanza da la cumischiun sajan eir gnü accumulì las resalvas. Cha scha inchün nu giaja daperüna cun quista decisiun esa da far la dumonda da reponderaziun, pero cha per quai voula üna majorità da 2/3 dals preschaints e cha lura esa da tractandar quista dumonda amo üna vouta per la prosma radunanza.

Il president manzuna cha tenor las indicaziuns da la cumischiun da chatscha Urezzas saja gnü scleri tuot las pussibilitats. Per realisar uschè ün implant implü es gnüda fatta la planisaziun tras üna firma da perits chi fabrica in tuot la Svizzra implants. El es sgüra cha quists perits sun capabels da planisar alch chi confà a tuot las ledschas e reglamaints.

Mario Duschèn dumonda als preschaints schi vain giavüschà da revgnir sün la decisiun tratta in la radunanza dals 5 marz 2022. Quia sun 4 per revgnir e 28 per dar liber l'import e dar glüm verda pel fabricat. Uschè manzuna el cha'l tema "implant cun schaiurgia movibla" es per la Lischana scleri.

## **7. Mutaziuns**

Per quista radunanza nu vaina ingünas mutaziuns.

## **8. Tratta da büs-cha per las patentas da chatscha**

Tenor il reglamaint da las büs-chas vaina eir quist on la pussibilità da trar la büs-cha per duos mezzas patentas da chatsch'ota ed üna patenta da chatscha bassa. Avant co trar la büs-cha less la suprastanza pero ingrazchar a tuots chi han in ün o l'otera maniera tut part a las activitats da nossa società. Cun quist'acziun da trar la büs-cha per las patentas lessan motivar a plü blers commembers pussibel da tour part a la vita da la Lischana.

Intuot sun 188 büs-chas, tenor la glista chi's po perseguitar sün nossa pagina d'internet [www.chatscha.ch](http://www.chatscha.ch), in l'urna.

Il president manzuna amo chi's po gnir trat oura be per üna patenta pro commember e fa la proposta cha sar Lukas Walser figürescha sco diala da furtüna.

La patenta da chatscha bassa 2022 va a Dora Filli.

La prüma mezza patenta da chatsch'ota 2022 va a Fabian Grond.

La seguonda mezza patentà da chatsch'ota 2022 va a Juliette Duschèn.

## **9. Varia**

La vendita da patentas ha lö quist on a Scuol in mardi als 23 avuost da las 19.00 – 21.00 in chasa cumünala.

Il president giavüscha amo a tuots quels chi nun han amo fat, da tour part al questiunari da la BKPJV e l'uffizi da chatscha e pes-cha, chi'd es stat aclus in la gazetina da chatscha da lügl.

Matthias Merz manaja chi nu possa esser cha oura Urezzas al cumanzamaint da la stagiun nu's haja pudü trar e far la conferma cun la flinta. Implü less el savair schi'd es previs in avegnir da far las dombraziuns da sulvaschina darcheu eir cun chatschaders. Il president dà la resposta cha insè sajan quists duos temas fingià gnüts discutats e protocolats in la radunanza da prümavaira, pero el declera chi haja gnü lö üna sezzüda cun la cumischiun da chatscha Urezzas a regard il program da tir e cha là esa gnü impromiss cha tals sbagls nu vegnan avant plü. Not Pua, sco respunsabel per las dombraziuns in nos district, manzuna chi haja gnü lö fingià quist on dombraziuns cun agüd da chatschaders, pero chi saja lö be amo per ün rapreschantant dals chatschaders causa chi sun invidats da tuot las organisaziuns d'interess, per exaimpel ils paurs e forestal, han il dret da tour part.

Sco minch'on giavüscha il president, eir in nom da tuot la suprastanza, a tuot ils preschaints ün schlass in bocca d'luf. El tira eir quist on attent e giavüscha cha tuots commembers da la Lischana ma eir tuot ils chatschaders Grischuns as deportan adequat e correctamaing d'ürant la chatscha, chi nu detta intops chi mettan in dumonda nossa chatscha libra Grischuna. In mincha cas giavüscha el a tuots da giodair la chatscha e da tuonar frischs e sans a chasa.

## **11. Referat da sar Lukas Walser cul tema "Sulvaschina sensibla"**

Sar Lukas Walser, chi lavura pro l'uffizi da chatscha, ans ha preparà ün referat interessant sur da la sulvaschina sensibla, vuol dir impustüt sulvaschina da chatscha bassa. Il president ingrazcha a Lukas ch'el haja tut la via suot las roudas vers Scuol e surdà il pled per üna referat interessant. Sar Lukas ha cumprovà cha nossa chatscha bassa nun es respunsabla per üna eventuala reduziun da leivras, umblanas o gials sulvadis.

Per il protocol: l'actuara Juliette Duschèn